

Resumaziun sesiun d'Interclub 2020

Mesiras da COVID-19 han fatschentau nus l'entira sesiun e vegnan a fatschentau nus era igl onn vegnent

Ord ils motivs enconuschents da COVID-19 ei la sesiun d'Interclub 2020 vegnida refretga dalla primavera sil davos d'uost. Las preparaziuns, ils trenaments e giugs ein stai signai duront l'entira sesiun dils differents concepts da schurmetg. Las mesiras principalas dalla higiena cun lavar ils mauns avon ch'entrar sil plaz, tener la distanza prescreta, buca dar il maun avon ni suenter ils giugs, pachetar ils smaccai denter en folias, manar gliestas d'adresses duront ils trenaments, gliestas da contact dils aspectaturs duront giugs da campinadi e turniers, han accumpignau nus naven dalla primavera entochen igl atun. Veramein biaras caussas che han priu empau igl entusiasmus, il plascher e la spontanitad pil sport da tennis. Cunzun pils capitans eis ei buca stau aschi simpel da setener cun lur equipas vid las mesiras da schurmetg. Mo era per la responsabla dalla casa dil club, pil responsabel da COVID-19, per la suprastonta ed il cauplaz ein las mesiras da COVID-19 stadas ina gronda sfida. Tonaton savein nus trer in conclus fetg positiv dalla sesiun vargada:

- Nus havein duront l'entira sesiun cun trenaments, turniers e giugs d'interclub giu negins cass positivs da COVID-19.
- Las equipas - cunzun ils capitans sco responsabels - ein seteni cun gronda disciplina vid las mesiras da schurmetg e tarmess regularamein las gliestas necessarias al meinagiug.

Quei mereta da mia vart in grond engraziament pil sustegn als capitans, alla equipas, alla suprastonta, al cauplaz sco era alla responsabla dil baghetg. Medemamein ha swisstennis adina susteniun ils clubs cun sboszs da concepts da schurmetg (en tut ha ei dau 4 versiuns) e quei mintgamai gia in di suenter ch'il Cussegl federal haveva mintgamai decidiu las mesiras novas.

Bunas prestaziuns dallas equipas

Bein fuss ei stau il davos d'uost stau la partenza dil campinadi. Mo gest la miserabla aura ha fatg in streh atras il plan da giugs en tuttas gruppas. Il medem ei stau per ils giugs previ la davos runda ch'ei puspei ella entira regiun daventai el ver senn dil plaid ina unfrenda dalla plievgia intensiva. Il reglament dils giugs d'interclub ein vegni adattai da swisstennis alla situaziun speciala. Aschia che giugs spustai ein vegni valetai cun il resultat da 0 : 0 (termins da prender suenter quels deva ei tuttina buc). Ei ha era sedau che equipas han buca saviu cumparer cun tuts giugadurs ni tuttas giugaduras ni schizun in summa buc. E quei ei stau lubiu da swisstennis. Per quei ha ei era dau negina promoziun ni relegaziun.

Emprema ligia Damas

Las damas dalla „elita“ han sco usitau mussau ina prestaziun zun solida e terminau il campinadi cun ils secund rang. La suletta terrada han ei stui prender encunter dil capogruppa d'Uster. Dus giugs ein curdai ina unfrenda dallas malauras.

Secunda ligia Damas

Gronda furora per las giuvnas che giogan per la tiarza sesiun. Ellas scuan „schi-da-num“ lur adversarias cun nundetgs resultats giu dil plaz. Gudognan tuttas lutgas claramain e havessen naturalmein era gudignau il giug encunter Danis-Tavanasa ch'ei vegnius spustaus digl adversari muort munconza da giugaduras. Ins sto menziunar che las giuvnas ein quellas, che han trenau regularamein e consequentamein cun il trener Urs Pfister (R5). Quel ha segiramein in grond meret da quella prestaziun sorprendenta. Cordiala gratulaziun!

30+ tiarza ligia Damas

Las senioras giuvnas fan medemamein cuortas cun lur adversarias e gudognan tuts treis giugs cun il medem resultat da 5 : 1. Aschia ch'era ellas termineschan il campinadi sin igl empren rang. Naturalmein ch'ellas havessen era dumignau el davos giug (ch'ei curdau ell'aua) las adversarias da Schaan cun il medem resultat. Cordiala gratulaziun!

40+ tiarza ligia Damas

Las „senioras“ dil club demuossan medemamein ina fetg buna prestaziun e termineschan il campinadi sin il tierz plaz. Quei cun dus giugs ch'ei curdai ina unfrenda da l'aura, schiglioc havess la situaziun segiramein aunc vesiu ora meglier.

Umens 3. ligia

In bien secund rang per la giuvna equipa dils umens. Quei cun mo haver dau 2 dau 4 giugs pervia dalla aura. Senz'auter havessen ei recaltgau ulteriurs punct encunter Pizol e naturalmein era encunter Trin. Demai ch'ei manca ina foto dall'equipa schein nus suandar sper la tabella e la rangaziun ils nums dils giugadurs.

45+ secunda ligia umens

La fin dalla davosa sesiun era l'equipa da seniors vegnida relegada en tiarza ligia, ha denton saviu turnar anavos en secunda muort ina decisiun alla „meisa verda“. Ils seniors han mussau ch'els s'audan cun raschun sin quei scalem. La squadra terminescha il campinadi sin igl emprem rang. Cordiala gratulaziun! Veramein donn ch'il davos giug encunter il grond rival da Danis-Tavanasa ha buca giu liug, pertgei leu fuss ei lu veramein iu per la plema ni meglier detg mo pli per il perstige. Era che manca ina foto dall'equipa aschia schein nus suandar sper la tabella e la rangaziun ils nums dils giugadurs.

Emprema ligia Damas



Da seniester: Paula Nay, **Carmen Bearth – Albin (capitani)**, Silvana Guldemann – Giger, Simona Demont, Sereina Decurtins, silla foto manca Carla Flury – Nay

Giugs e rangaziun

Fehraltorf	-	Trun	0 : 0*
Trun	-	Grasshopper ZH	3 : 1
Trun	-	Uster	2 : 4
Cuera 2	-	Trun	2 : 4
Trun	-	Gaster	0 : 0*

*Giugs curdai ora ein valetai cun 0 : 0

1.	Uster	12	26 – 10
2.	Trun	9	20 – 17
3.	Grasshopper	9	20 – 17
4.	Fehraltorf	8	18 – 17
5.	Chur 2	7	15 – 25
6.	Gaster	5	13 – 26

Damas 2. Ligia



Davos da seniester: Tamara Derungs **Milena Derungs (capitani)**, Tajana Pfister, Geraldine Pfister
Davon da seniester: Dania Petschen, Natascha Wolf

Giugs e rangaziun

Trun	-	Danis/Tavanasa	0 : 0
Pizol	-	Trun	0 : 6
Sevelen	-	Trun	2 : 4
Trun	-	Trin	5 : 1
Panaduz	-	Trun	2 : 4

*Giugs curdai ora ein valetai cun 0 : 0

1.	Trun	19	40 – 11
2.	Panaduz	15	32 – 20
3.	Sevelen	11	25 – 28
4.	Danis/Tavanasa	11	24 – 30
5.	Pizol 2	6	14 – 25
6.	Trin	4	9 - 30

Damas 30 + 3. ligia



Davos da seniester: Anastasia Wolf, Ricarda Tuor (capitani), Renata Monn

Davon da seniester: Karin Peng, Nadia Schmed

Giugs e rangaziun

Rebstein	-	Trun	1 : 5
Trun	-	Mustér	5 : 1
Domat	-	Trun	1 : 5
Trun	-	Schaan	0 : 0*

*Giugs curdai ora ein valetai cun 0 : 0

1.	Trun	15	32 – 9
2.	Rebstein	12	26 – 16
3.	Domat	7	15 – 12
4.	Schaan	7	15 – 23
5.	Mustér	1	6 – 34

Damas 40+ 3. ligia



Davos da seniester: Manuela Decurtins, Erna Nay, Gaby Demont (capitani)

Davon da seniester: Cristina Derungs, Vica Maissen, Petra Duff

Giugs e rangaziun

Celerina	-	Trun	0 : 0*
Trun	-	Grüsch	5 : 1
Cuera	-	Trun	5 : 1
Trun	-	Flem	3 : 3
Trun	-	Tavau	0 : 0*

*Giugs curdai ora ein valetai cun 0 : 0

1.	Cuera	14	30 – 11
2.	Tavau	9	20 – 20
3.	Trun	9	19 – 22
4.	Flem	7	16 – 23
5.	Celerina	7	15 – 11
6.	Grüsch	2	7 – 20

Umens 3. ligia

Giugadurs:

Dario Albin, Simon Decurtins, Noel Duff, Simon Lechmann, Andrin Petschen, Leandro Petschen, Luca Pally, **Yanick Pally (capitani)**

Giugs e rangaziun

Trun	-	Pizol	0 : 0*
Danis-Tavan	-	Trun	3 : 6
Trun	-	Panaduz	4 : 2
Trin	-	Tun	0 : 0*

*Giugs curdai ora ein valetai cun 0 : 0

1.	Pizol	24	50 – 11
2.	Trun	10	23 – 10
3.	Panaduz	9	23 – 33
4.	Trin	4	10 – 31
5.	Danis-Tavan	4	09 – 30

Umens 45+ 2. ligia

Giugadurs:

Silvio Albin, Erich Decurtins, Luis Caduff, Bernd Lay, Werner Manetsch, Urs Pfister, Gion Petschen, **Ramun Venzin (capitani)**

Giugs e rangaziun

Trun	-	Razén	0 : 0*
Trun	-	Zizers	4 : 3
Landquart	-	Trun	3 : 4
Trun	-	Panaduz	5 : 2
Danis-Tavan	-	Trun	0 : 0*

*Giugs curdai ora ein valetai cun 0 : 0

1.	Trun	13	30 – 20
2.	Danis-Tavan	13	27 – 18
3.	Panaduz	11	26 – 26
4.	Landquart	10	23 – 24
5.	Zizers	9	24 – 28
6.	Razén	7	17 – 31

Termins impurtonts e sesiun d'interclub 2021

La fin dalla sesiun ein mintgamai era l'entschatta dalla proxima sesiun. Jeu supplicheschel vus da nudar ils suandonts termins:

15.11.2020 – 15.03.2021: Mutaziuns da licenzas:

Annular licenzas ni metter sin statuts inactiv saiel jeu far dils 15.11.2020 – 15.03.2021. Suentar ils 15 da mars stat la licenza activa. Licenzas novas ni che vegnan reactivadas per il campinadi d'Interclub san ins denton far entochen ils 20 da matg 2021

01.12. – 31.12.2020: Annunziar las equipas per il campinadi d'Interclub 2021

Demai ch'il secretariat da swisstennis ei serraus denter Nadal e Daniev supplicheschel jeu vus da dar part a mi entochen ils 10 da december 2020 sche vossa equipa fa part la sesiun proxima dil campinadi.

08./09. da matg 2021: Entschatta dil campinadi d'Interclub sesiun 2021

Il campinadi d'Interclub 2021 entscheiva la fin dalla jamna dils 08./09. da matg 2020

Per la fin da mia resumaziun engraziell jeu aunc inagada a vus per la fetg buna collavoraziun e giavischel a vus e vossas famiglias buna sanadad. Stei sauns!

Trun, ils 20 d'october 2020

Silvio Albin, meinagiug